

SUDSKA HRONIKA: SUDJENJE ZA GENOCID U PRIJEDORU

Author: [Mirna Jancic](#)

Tuzilastvo priložilo dokumente koji svjedoče da je jugoslovenska vojska pomagala bosanskim Srbima u pripremama za rat.

Dva dokumenta su prošle sedmice privukla pažnju javnosti na sudjenju dr Milomiru Stakicu - optuženom za genocid počinjen nad nesrpskim stanovništvom u prijedorskoj oblasti.

Sudsko vijeće je u dokaznu gradju uvrstilo jedan novinski članak, objavljen 6. juna 2000 u sarajevskom nedjeljniku Slobodna Bosna. U tom se tekstu petorica pripadnika državne službe bezbjednosti, odnosno bosanske Agencije za istraživanje i dokumentaciju (AID), pominju u kontekstu anti-terorističkih akcija koje su 1996. izvršile snage za implementaciju Ujedinjenih Nacija (IFOR).

Protiv nekih od pomenutih lica iz sastava AID u Sarajevu se trenutno vodi sudski postupak. A odbrana tvrdi da su upravo ti službenici i snabdjeli optuzbu dokumentima koje je potonja koristila tokom sudjenja. Stakicevi branioci insistiraju na tome da, zbog optuznica koje su podignute protiv tih lica, sada treba preispitati i autenticnost doticnih dokumenata. Advokat Dzon Ostojic posebno je naglasio vlastite sumnje u pogledu šest dokumenata na kojima se nalazi Stakicev potpis, a koje su pribavili funkcioneri AID.

Glavni zastupnik optuzbe, Mavhar Inajat, rekao je sudu da, prilikom kontakata sa službenicima AID, nikada nije sreo lica koja se pominju u članku, odnosno da on njih lično nikada nije primio nikakav dokument. Ali Inajat je dodao da je, u situacijama kada bi od agencije ponesto i zatražio, "to cinio indirektno, posredstvom zvaničnika bosanske vlade zaduženog za komunikacije".

Sudija Wolfgang Somburg nerado je doticni članak uvrstio među dokaze, rekavši da vijeće ipak ne bi trebalo da povezuje sudjenje koje se odvija u Sarajevu s procesom protiv Stakica. Optuzba je rekla da sarajevski slučaj nije ni od kakvog značaja za Stakicevo sudjenje, dok su branioci isticali da bi navodi protiv službenika AID mogli značiti da je i sva gradja koju su oni poslali u Hag - krivotvorena.

Premda je potom odlučilo da članak tretira kao dokaz, sudsko vijeće je naglasilo da on kao takav nema veliku dokaznu težinu.

Optuzba je također podnijela jedan dokument koji je izazvao veliku pažnju. Njime je nastojala dokazati da su se srpske snage u Prijedoru dugo pripremale da zauzmu grad. Izvjestaj lokalnog ministarstva unutrašnjih poslova Republike Srpske (RS) sadrži detaljne planove lokalne policije da upotrijebi silu kako bi preuzela citavu opštinu. On navodi da su formirane paralelne policijske jedinice u sjenci već postojećih jedinica u kojima su - do samog pada grada, u proleće 1992. - vodeću ulogu imali Muslimani.

U pomenutom dokumentu se navodi da je organizovano nekih 13 policijskih centara s otprilike 1,500 ljudi, kao i da ih je Jugoslovenska Narodna Armija (JNA) snabdjela oružjem i municijom, koji su držani u privatnim kućama.

Odbrana je osporavala autenticnost ovog dokumenta, kao i citavog niza drugih podnesaka koji su prethodno predati sudu, a kojima se dokazivalo da su se Srbi navodno temeljito pripremali za rat.